



Broj: 07-19-1690-2/26
Sarajevo, 26.05.2026. godine

Bosna i Hercegovina
Federacija Bosne i Hercegovine
KANTON SARAJEVO
Ministarstvo prostornog uređenja,
građenja i zaštite okoliša

Predmet: Odgovor na zastupničko pitanje zastupnice Vujović Vedrane,
upućeno na 30. radnoj sjednici Skupštine Kantona Sarajevo

Veza: Vaš akt broj: 05-04-24273-4/26 od 15.05.2026. godine

Dana 20.05.2026. godine, Zavod za planiranje razvoja Kantona Sarajevo (u daljnjem tekstu: Zavod) je zaprimio vaš akt broj: 05-04-24273-4/26, kojim dostavljate zastupničko pitanje zastupnice Vujović Vedrane, upućeno na 30. radnoj sjednici Skupštine Kantona Sarajevo održanoj dana 05.05.2026. godine. Zastupničkim pitanjem se traži odgovor u kojoj fazi i kada će se na dnevnom redu Skupštine Kantona Sarajevo naći prijedlog Urbanističkog plana urbanog područja Sarajevo (Stari Grad, Centar, Novo Sarajevo, Novi Grad, Ilidža i Vogošća), uzimajući u obzir da je Skupština Kantona Sarajevo prihvatila Nacrt na 14. radnoj sjednici 24.02.2024. godine, a javna rasprava završena prije dvije godine.

Također, Zavod je dana 22.05.2026. godine zaprimio akt Kabineta premijera broj: 02/01-45-75-72/26 od 21.05.2026. godine, kojim se na nadležno postupanje dostavlja isto zastupničko pitanje.

Postupajući po zastupničkom pitanju, ovim putem vas informišemo o sljedećem:

- Zavod je u skladu sa važećom legislativom, dana 22.04.2026. godine dostavio predmetni Plan na mišljenje općinama i Gradu Sarajevo, te tražio da općine i Grad Sarajevo svoje pisano mišljenje dostave u roku od 15 dana od dana prijema materijala, a shodno odredbama člana 87. Zakona o organizaciji organa uprave u Federaciji Bosni i Hercegovini („Službene novine FBiH“, br. 35/05) i člana 202. stav (5) Zakona o upravnom postupku („Službene novine FBiH“, br. 2/98, 48/99 i 61/22);
- dana 23.04.2026. godine, Zavod je općinama dostavio Zaključak Vlade Kantona Sarajevo broj: 02-04-55333-8.1/25 od 04.12.2025. godine, kojim se prihvata Izvještaj o provedenom Javnom uvidu i javnoj raspravi na Nacrt urbanističkih planova na području Kantona Sarajevo;
- općine i Grad Sarajevo su zaprimili materijale u periodu od 27.04.2026. godine do 19.05.2026. godine, međutim neke općine su tražile produženje roka za davanje mišljenja obzirom na obimnost materijala, te se Zavod očitovao na isto i produžio rok za dostavu pisanih mišljenja do 29.05.2026. godine;
- po pribavljenim mišljenjima općina i Grada Sarajevo, Zavod će prijedlog Urbanističkog plana urbanog područja Sarajevo kao i pribavljena mišljenja općina i Grada Sarajevo, uputiti Vladi

Kantona Sarajevo, kao Nosiocu pripreme plana, na daljnje postupanje. Nosilac pripreme Plana utvrđuje Prijedlog planskog dokumenta i kompletan materijal dostavlja Skupštini Kantona Sarajevo.



Direktor
Faruk Muharemović, Mr.dipl.ing.arh.

Dostaviti:

- naslovu
- Sekretar Vlade Kantona Sarajevo
- a/a